

La Quotidiana 6-6-2016, p. 19

Corina Casanova davevta nova presidenta dal Forum Helveticum

■ (rtr) Il Forum Helveticum (FH) – il forum per la chapientscha linguistica e culturala en Svizra – ha elegì la gievgia sia nova presidenta. L'antieriura chance- liera federala *Corina Casanova* surpiglia il presidi dal FH sco successura dal spe- zialist da medias *Roy Oppenheim* l'atun 2016. En il rom da la radunanza da de- legads dals 2 da zercladur 2016 a Berna ha il Forum Helveticum elegì Corina Casanova sco presidenta. Corina Casa- nova, l'emprima dunna a la testa dal FH, surpiglia l'atun 2016 il post da Roy Oppenheim ch'è president dapi il 2007. Sut Oppenheim haja il FH survegnì il 2012 ina nov'orientaziun strategica orientada vers l'avegnir, communitge- scha il Forum Helveticum. Il FH è ve- gnì fundà il 1968 sco lieu d'inscunter e da dialog. Il center da cumpetenzza per la chapientscha linguistica e culturala s'engascha per differentas dumondas en ils secturs societad, politica, economia e cultura. 30 organisaziuns politicas, cul- turalas, confessionalas, economicas e d'utilitad publica èn oz commembras da l'uniun. Corina Casanova è naschida il 1956 a Glion e creschida si en Sursel- va ed en l'Engiadina. Ella è stada enga- schada sco delegada dal Comité inter- naziunal da la Crusch Cotschna en l'A- frica ed en l'America latina. A partir dal 1992 ha ella lavorà per l'administraziun federala, l'emprim per ils servetschs dal parlament e pli tard per il departament federal d'affars exteriurs e sco vicechan- celiera da la chanzlia federala. Corina Casanova discurria sis linguas e persua- nifitgeschia uschia ina Svizra pluralisti- ca ed averta, scriva il FH. Durant ch'el- la ha lavorà tar la confederaziun è ella s'engaschada fermamain per la plurilin- guitad.